

## Rasvjetljeno krivično djelo "Ubistvo"

Dana 08.06.2019. godine oko 19.20 sati u ul. Francuske revolucije, općina Ilidža od strane NN lica došlo je do upotrebe vatreno oružje. Na lice mjesta izašli su policijski službenici Pete PU i ekipa Zavoda za hitnu medicinsku pomoć Kantona Sarajevo, nakon čega je usljed zadobijenih povreda lice A.K., rođen 1992.godine, preminulo.

O svemu je obavješten tužilac Kantonalnog tužilaštva Kantona Sarajevo koji je zajedno sa policijskim službenicima Uprave policije MUP-a Kantona Sarajevo rukovodio uviđajem.

Tijelo preminulog, prevezeno je u prosekturu Bare, gdje će po naredbi tužioca biti obavljena obdukcija.

Nakon izvršenog krivičnog djela iz člana 166. KZ F BiH ( Ubistvo), policijski službenici Sektora kriminalističke policije ( Odjeljenja za krvne, seksualne delikte i ratni zločin) i Sektora za policijsku podršku ( Jedinica za specijalističku podršku), uz asistenciju i podršku Obavještajno-sigurnosne agencije BiH, u toku noći nastavili su intenzivnu potragu za NN licima, na putnoj komunikaciji Sarajevo-Bjelašnica-Visočica-Bjelimići.

Na lokalitetu Bjelašnice u blizini mjesta Sinanovići, općina Trnovo, policijski službenici su pronašli i lišili slobode lica A.I., rođen 1996.godine u Sarajevu, gdje je i nastanjen i lice A.Š., rođen 2000.godine u Sarajevu, gdje je i nastanjen.

Daljom pretragom terena, u blizini sela Luke, mjesto Bjelimići, općina Konjic, na makadamskom putu prema vrhu Visočice, pronađeno je vozilo, u kojem se nalazilo beživotno tijelo A.K., trećeg lica za kojim se tragalo.

U jutarnjim satima dana 09.06.2019.godine, od strane policijskih službenika Hercegovačko-neretvanskog kantona i Sektora kriminalističke policije (Odjeljenja za krvne, seksualne delikte i ratne zločine), pod nadzorom tužioca Hercegovačko-neretvanskog kantona, na licu mjesta je izvršen uviđaj. Uviđaju su prisustvovali i policijski službenici KDZ-a Uprave policije MUP-a Kantona Sarajevo, obzirom da je u vozilu pronađeno oružje i dvije ručne bombe.

Nakon završenog uviđaja, specijalnih vozilom „pauk“, pronađeno vozilo je prebačeno na službeni parking MUP-a Kantona Sarajevo, radi daljih vještačenja.

Nakon kriminalističke obrade, lica A.I i A.Š., će biti predata u nadležnost i dalje postupanje Kantonalnom tužilaštvu Kantona Sarajevo.

Nastavlja se rad na dokumentovanju navedenog krivičnog djela.

09.06.2019



([http://mup.ks.gov.ba/sites/mup.ks.gov.ba/files/images/\\_dsc0019\\_0\\_6.jpg](http://mup.ks.gov.ba/sites/mup.ks.gov.ba/files/images/_dsc0019_0_6.jpg))

© Ministarstvo unutrašnjih poslova KS 2011., 2015. Sva prava pridržana. Izrada. Zavod za informatiku i statistiku KS (<https://zis.ks.gov.ba>)

**Početna** (<http://mup.ks.gov.ba/pocetna>) | **RSS izdvojeno** ([/rss/izdvojeno](http://mup.ks.gov.ba/rss/izdvojeno)) | **RSS konkursi** ([/rss/konkursi](http://mup.ks.gov.ba/rss/konkursi)) | **RSS javni pozivi** ([/rss/pozivi](http://mup.ks.gov.ba/rss/pozivi)) | **Struktura stranice** (<http://mup.ks.gov.ba/sitemap>) | **Kontakti** (<http://mup.ks.gov.ba/gradjanstvo/kontakti>) | **E-pošta** ([http://mmail.ks.gov.ba](mailto:mup@ks.gov.ba))